



ՀՀ, Երևան 0010, Կառավարական 3-րդ մասնաշենք,  
«Հայաստան» համահայկական հիմնադրամ  
Հասարակայնության հետ կապերի բաժին  
Հեռ: + (374 10) 521505  
[pr@himmadram.org](mailto:pr@himmadram.org)  
[www.himmadram.org](http://www.himmadram.org)

**Մամլո հաղորդագրություն**

**Յեռուստամարաթոն 2014-ի նվիրատվություններով կամբողջականացվի  
Վարդենիս-Մարտակերտ ճանապարհի վերակառուցումը**

**Երեւան, 10 նոյեմբերի, 2014թ.:** Նոյեմբերի 27-ին անցկացվելիք՝  
«Հայաստան» համահայկական հիմնադրամի Յեռուստամարաթոն 2014  
համագգային դրամահավաքի հանգանակությունները կուղղվեն Վարդենիս-  
Մարտակերտ ավտոճանապարհի ամբողջական վերակառուցմանը, որը  
կիրականացվի ծրագրի երկրորդ փուլով:

2013թ-ին նվիրաբերված գումարներով ընթացիկ տարում իրականացվել են  
լայնածավալ հողային աշխատանքներ, որոնք կավարտվեն տարեվերջին: Շուրջ  
116 կմ երկարությամբ ավտոճանապարհն ունի 10 մետր լայնություն, որից 7  
մետրը կկազմի ասֆալտապատ երթուղիների հատվածը: Կատարված  
աշխատանքները ներառում են ողջ ճանապարհի երկայնքով ջրահեռացման  
խողովակների տեղադրում, ինժեներական ցանցերի, ափապաշտպան եւ  
արգելապաշտպան կառույցների իրականացում, հենապատերի ու եզրաքարերի  
կառուցում, 17 մեծ ու փոքր կամուրջների կառուցում ու վերանորոգում:  
Բնակավայրերով անցնող հատվածներում կառուցվում են մայրեր:

Վարդենիս-Քարվաճառ ճանապարհահատվածի առաջին շուրջ 12 կմ-ը  
ասֆալտապատ է: Հաջորդող հատվածը մինչեւ Մարտակերտ պատված է  
խտացված հողային պաստառով եւ երթուղիների է նաեւ մարդատար մեքենաների  
համար: Առաջիկա դրամահավաքի գումարներով կավարտվի վերակառուցման  
երկրորդ փուլով նախատեսված ասֆալտապատումը:

Վարդենիս-Մարտակերտ ճանապարհի կառուցումը՝ որպես  
ռազմավարական ծրագիր հաստատված «Հայաստան» հիմնադրամի  
հոգաբարձուների խորհրդի կողմից, այլընտրանքային կապ կհաստատի մեր  
երկու հանրապետությունների միջեւ: Նոր մայրուղին ոչ միայն կաշխուժացնի  
ճանապարհի երկայնքով տարածվող 22 մեծ ու փոքր համայնքների կյանքը, այլեւ  
կխթանի զբոսաշրջությունը եւ մեծ հաշվով կնպաստի մեր երկրների  
տնտեսության առաջխաղացմանը:

Խոշորածավալ այս ծրագիրն ավարտին հասցնելու նպատակով  
Հիմնադրամի աշխարհասփյուռ գրասենյակներն իրենց համայնքներում  
իրազեկման եւ դրամահավաք աշխատանքներ են տանում դեռ տարեսկզբից:

«Հայաստան» համահայկական հիմնադրամը շահույթ չհետապնդող կազմակերպություն է, որը հիմնվել է  
1992թ. մարտի 3-ին՝ Հայաստանում եւ Լեռնային Ղարաբաղում բարեսիրական օգնության եւ  
ենթակառուցվածքների զարգացման նպատակով: Այն աշխարհում ներկայանում է իր 25 գրասենյակներով:

Նույնաբերի 1-ից էլ Հայաստանում մեկնարկել են փոստային եւ sms  
նվիրատվությունները, որոնք նպատակ ունեն ազգային նշանակության այս  
ծրագրին, թեկուզ փոքր նվիրատվություններով, մասնակից դարձնել մեր բոլոր  
հայրենակիցներին:

Հեռուստամարաթոն 2014-ի գլխավոր հովանավոր՝ ՀԱՅԲԻԶՆԵՍԲԱՆԿ



**«Հայաստան» համահայկական հիմնադրամ**

«Հայաստան» համահայկական հիմնադրամը շահույթ չհետապնդող կազմակերպություն է, որը  
հիմնադրվել է 1992թ-ին և կոչված է խթանելու մարդասիրական օգնությունը և ենթակառուցվածքների  
զարգացումը ՀՀ-ում և ԼՂՀ-ում: Հիմնադրամն ունի 25 տեղական մարմին ամբողջ աշխարհում: